

Na osnovu Zakona o Udruženjima i Fondacijama član 33. (Službeni glasnik 45/02 Federacije BiH), Skupština udruženja "Alternative" Kakanj održana dana 11.06.2018. godine u Kakanju donosi novi:

STATUT

Udruženja „Alternative” Kakanj

I OSNOVNE ODREDBE

Član 1

Ovim Statutom reguliše se: naziv i sjedište; ciljevi i djelatnosti; zastupanje i predstavljanje udruženja; organi udruženja, njihove ovlasti, način imenovanja i opoziva; trajanje mandata; kvorum i pravila glasovanja, uključujući i pitanja o kojima se odlučuje kvalificiranom većinom; funkciju osobe ovlaštene da saziva skupštine; oblik i sadržaj pečata udruženja; oblik i sadržaj znaka; stjecanje i raspolaganje imovinom; način donošenja finansijskog izvještaja i izvještaja o radu; uvjete i način u članjenja, prestanak članstva, kao i prava, dužnosti i odgovornost članova udruženja; uvjete i postupak za pripajanje, razdvajanje, transformaciju ili prestanak rada udruge; postupku s imovinom u slučaju prestanka djelovanja udruženja i o načinu rješavanja sporova i sukoba unutar udruženja.

Član 2

Izrazi koji se koriste u ovom Statutu, a koji imaju rodno značenje, bez obzira na to jesu li korišteni u muškom ili ženskom rodu, obuhvaćaju na jednak način i ženski i muški i rod.

II NAZIV I SJEDIŠTE UDRUŽENJA

Član 3

Udruženje "Alternative" Kakanj (skraćeni naziv: "Alternative" Kakanj) je samostalna, nestranačka, neprofitna, multinacionalna i demokratska organizacija dobrovoljno udruženih građana koja djeluje na cijeloj teritoriji Zeničko-dobojskog kantona.

Član 4

Udruženje "Alternative" ima svojstvo pravnog lica.
Registrovano je kod Ministarstva pravde, pod brojem 08-72-35/98, od 24.02.1998.
Upis u registar promjena kod Ministarstva pravde, Zeničko dobojski kanton pod rednim brojem 06-05-35-1/98 od 27.4.2009. godine

Član 5

Udruženje "Alternative" ima sjedište u ulici: Ul. Šehida br.5, 72 240 Kakanj.

Član 6

Udruženje "Alternative" ima svoj žiro-račun kod nadležne institucije za platni promet.

III ZASTUPANJE

Član 7

Udruženje "Alternative" predstavlja i zastupa Predsjednik Upravnog odbora, koji je ujedno i Predsjednik udruženja i Izvršni direktor a u njihovom odsustvu jedan od članova Upravnog odbora po ovlaštenju Predsjednika, ako Upravni Odbor drugačije ne odluči.

IV PEČAT I ZNAK UDRUŽENJA

Član 8

Udruženje "Alternative" ima svoj znak:  ispisan crvenim slovima.

Član 9

Udruženje "Alternative" ima svoj pečat

Pečat je okruglog oblika. U prečniku 3,5 cm unaokolo je ispisan tekst ćirilćnim i latinićnim pismom: Udruženje građana "Alternative" sa znakom (iz ćlana 4.) u sredini.

O ćuvanju pečata brine Izvršni direktor.

V PODRUĆJE DJELOVANJA

Član 10

Udruženje "Alternative" (u daljem tekstu "Udruženje") djeluje u sljedećim područjima:

- Zaštita i promicanje ljudskih prava
- Zaštita i promicanje jednakosti i ravnopravnosti
- Izgradnja povjermanja i promicanje mirotvorstva
- Borba protiv svih oblika diskriminacije i nasilja
- Razvoj demokratske politićke kulture
- Edukacija i osnaživanje mladih i žena za aktivno sudjelovanje i veći utjecaj u društvu
- Zaštita i promocija prava manjinskih i marginaliziranih duštvenih grupa
- Promicanje i razvoj društvenog poduzetništva
- Unaprijeđenje poduzetnićkog okruženja i razvoj poduzetnićke svijesti
- Promicanje principa održivog razvoja i razvoj ekološke svijesti
- Ostala srodna područja

VI CILJEVI I DJELATNOST UDRUŽENJA

Član 11

Ciljevi udruženja su:

Bh. Društvo - Društvo jednakih mogućnosti za sve

Postizanje rodne ravnopravnosti i jednakih mogućnosti u bh.društvu

Razvoj odgojno obrazovnog sustava koji promiće rodnu ravnopravnost, ljudska prava i razvoj demokratske kulture

Promocija i razvoja održivih ekonomskih rješenja za različite probleme u društvu

Unaprijeđenje politika koje potiću veću participaciju žena mladih u bh.društvu

Unaprijeđenje poduzetnićkog okruženja i razvoj poduzetnićke svijesti

"Alternative" su posvećene razvoju civilnog društva i održivom razvoju lokalnih zajednica uz aktivno sudjelovanje građana.

Član 12

Vrijednosti na kojima udruženje temećlji svoje djelovanje su

- Oćuvanje Bosne i Hercegovine kao teritorijalno cjelovite, etnićki nedjeljive, nezavisne, pravne, parlamentarne i demokratske države njenih jednakopravnih građana i narida;:
- Oćuvanje trajnog mira i razvijanje demokracije uz puno poštivanje temeljnih prava i sloboda ćovjeka i građanina u skladu sa mećunarodnim konvencijama, neovisno o njegovom pogledu na svijet, vjerskoj i nacionalnoj pripadnosti, te politićkom uvjerenju;
- Promocija i podrška poštivanju i zaštiti osnovnih ljudskih prava i sloboda u savremenom bosansko-hercegovaćkom multietnićkom, multikonfesionalnom i multikulturalnom društvu, te jaćanju svijesti njenih građana o znaćaju dosljedne primjene najviših standarda u oblasti fundamentalnih ljudskih prava i sloboda za izgradnju demokratskog društva;
- Unaprijeđenje postojećee infrastrukture za poduzetnike poćetnike ćije se poslovanje zasniva na novim pristupima, tehnologijama i inovacijama;
- Razvoj turizma tremeljen na oćuvanju i promociji kulturno-historijskih i prirodnih vrijednosti, kulturne i povijesne bosansko- hercegovaćke baštine i obogaćivanje kulturnih sadržaja na nivou lokalnih zajednica;
- Uspostavljanje ekonomskog, demokratskog i kulturnog pluralizma u bosansko-hercegovaćkom društvu;

- Afirmacija općedruštvene solidarnosti;
- Podrška procesu pomirenja među različitim nacionalnim i etničkim skupinama koje žive u BiH, kao i podrška jačanju mjera povjerenja i uzajamne tolerancije;
- Promocija i promicanje slobode misli, izražavanja i vjere, te slobode okupljanja i udruživanja građana radi ostvarivanja njihovih posebnih interesa;
- Promocija i podupiranje dugoročnog procesa razvoja višestranačke parlamentarne demokratije i izgradnje novih pluralističkih, transparentnih i demokratskih institucija i političkih struktura;
- Razvoj lokalne demokratije i širenje svijesti građana o značaju njihovog aktivnog uključivanja u rad organa lokalne samouprave i ukupne političke procese na lokalnom nivou;
- Zalaganje za veće učešće žena i mladih u političkom i javnom životu na svim razinama društva;
- Jačanje samopouzdanja i samopoštovanja mladih ljudi
- Popularizacija i širenje svijesti građana o značaju volonterskog rada, sa osnovnim ciljem jačanja njihovog povjerenja u nevladine organizacije, različite oblike interesnog organizovanja i udruživanja građana, i boljeg razumijevanja njihove uloge u izgradnji demokratskog civilnog društva;
- Podrška inkluzivnom obrazovanju i prevenciji rodno zasnovanog nasilja u osnovnim i srednjim školama

Član 13

Djelatnosti udruženja su:

- Edukacija o ljudskim pravima, rodnoj ravnopravnosti i konceptu osiguranja jednakih mogućnosti za sve
- Poticati građane na sudjelovanje i sudjelovati u procesima kreiranja zakona i javnih politika
- Javno zagovaranje i organiziranje javnih kampanja
- Objavljivanje publikacija - brošura, vodiča, priručnika i letaka
- Priprema i objavljivanje medijskih sadržaja
- Jačanje suradnje sa organizacijama u i izvan Bosne i Hercegovine
- Edukacija djece, mladih i žena s ciljem poboljšanja njihovog učešća i utjecaja u bh.društvu
- Edukacija donosioca odluka i onih kojih se odluke tiču o vrijednostima participativnog planiranja
- Razvoj poslovnog inkubatora za poduzetnike početnike
- Promocija i razvoj nauke, tehnologije i izuma u kontekstu poduzetništva
- Promocija i razvoj održivih ekonomskih rješenja za različite probleme u društvu
- Unapređenje postojeće infrastrukture za poduzetnike početnike čije se poslovanje zasniva na novim pristupima, tehnologijama i inovacijama

VII JAVNOST DJELOVANJA UDRUŽENJA

Član 14

Rad u Udruženju je transparentan i otvoren za javnost.

Javnost rada i djelovanja članstva i organizacija, te organa unutar udruženja ostvaruje se na javnim skupovima, tribinama, okruglim stolovima i drugim oblicima uspostavljavajući odnose i djelujući javno među građanima.

Transparentno djelovanje osigurava se i na sastancima organa otvorenim za javnost.

Javnost se u izuzetnim slučajevima isključuje iz rada, kada se raspravlja o unutarorganizacijskim pitanjima.

Javno djelovanje ostvaruje se i putem konferencija za štampu, izjava i saopćenja za javnost i redovnim informacijama objavljenim na web stranici organizacije

VIII ČLANSTVO

Član 15

Udruženje može imati redovne, počasne i podržavajuće članove

Članom udruženja može postati svaka osoba ženskog i muškog spola, bez obzira na starosnu, nacionalnu, vjersku, političku ili drugu pripadnost, a koja prihvata Statut i Program udruženja.

Potpisivanjem pristupnice članica iskazuje članska prava i dužnosti.

- Redovnim članom se smatra svaki član koji aktivno i dobrovoljno učestvuje u iniciranju, planiranju i provedbi aktivnosti Udruženja.
- Počasni član Udruženja je član kojeg Skupština Udruženja izabere za počasnog člana zbog naročitih zasluga za razvoj Udruženja. Izuzetno, organi udruženja mogu i izvan, prethodnom stavu navedenih kriterija članstva, zasluženoj osobi dodijeliti status počasnog člana.
- Podržavajući članovi su oni koji financijski ili na drugi način pomažu rad Udruženja. Podržavajući član ima prava i obaveze redovnog člana, osim prava da odlučuje, raspravlja i glasa u Skupštini.

Član 16

- Učlanjenje u udruženje se vrši pojedinačno, potpisivanjem pristupnice, a formalno potvrđuje prijemom članske kartice.
- Oblik i sadržaj članske kartice određuje Odlukom Upravni odbor organizacije.
- Ukoliko se Upravni odbor opredijeli za prikupljanje članarine i donese odluku o prikupljanju članarine u tekućoj godini, Izvršno osoblje je dužno voditi posebnu evidenciju sukladno knjigovodstvenim propisima BiH.

Član 17

Prava i dužnosti članova Udruženja su:

PRAVA ČLANOVA

Prava članova proističu iz njihove opredjeljenosti da se aktivno uključe u ostvarenje programskih ciljeva, a naročito:

- da aktivno učestvuju u radu organizacije i organa i da učestvuju u određivanju programa i sadržaja aktivnosti i načinu njihove realizacije;
- da se neposredno angažuju na i u ostvarenju zadataka i snose odgovornost za njihovo ostvarivanje;
- da predlažu, biraju i budu birani u sve organe udruženja i da učestvuju u određivanju kriterija i odlučivanja za izbor organa;
- da organizacijama i organima upućuju prijedloge i pitanja koja se odnose na njihov rad i da od njih traže i dobijaju odgovor;
- da prema svojim sklonostima i interesovanjima učestvuju u posebnim društvenim aktivnostima na području kulture, obrazovanja, nauke i slično ili u drugim vidovima interesnog organiziranja građana uz stalnu težnju za razvojem sredine u kojoj djeluju;

DUŽNOSTI ČLANOVA

- Da se pridržavaju Programa i Statuta organizacije;
- da se zalažu za ostvarenje misije organizacije;
- da čuvaju ugled organizacije;
- da propagiraju programska opredjeljenja organizacije i pridobivaju nove članice i simpatizere;
- da provode odluke organa;
- da plaćaju redovnu mjesečnu članarinu;
-

Član 18

Članovi i članice udruženja uživaju punu slobodu vjerskog i političkog života, ali bez unošenja vjerskih i političkih stavova u organizaciju.

Član 19

Članstvo u udruženju prestaje:

- dobrovoljnim istupanjem
- isključenjem
- smrću fizičke osobe
- prestankom rada udruženja

Smatra se da je član/ica istupila iz organizacije ukoliko to izričito izjavi ili ukoliko najviše jednu godinu ne učestvuje u aktivnostima;

Član se isključuje ukoliko djeluje suprotno Programu i Statutu, te ukoliko i nakon zvanične opomene nastavi kršiti Statutarne i Programske odredbe;

Član se može isključiti i odlukom Upravnog Odbora uz saglasnost Izvršne direktorice ukoliko se utvrdi da je načinio povredu pozitivnih propisa Bosne i Hercegovine, koja ga/ čini nepodobnim/nepodobnom za članstvo u Udruženju.

Protiv odluke o isključenju može se podnijeti žalba Skupštini udruženja, u roku od 15 dana od prijema

Skupština je dužna odlučiti o žalbi u roku od 30 dana od prijema

Odluka Skupštine je konačna.

IX ODNOSI U UDRUŽENJU

Član 20

Međusobni odnosi u udruženju izgrađuju se i zasnivaju na demokratskim principima.

Demokratski princip je osnovno načelo za utvrđivanje Programa i strategije razvoja unutar organizacije, s tim da mišljenje većine određuje pravac i način djelovanja organa i tijela unutar udruženja.

Član 21

U udruženju postoji pravo na manjinsko mišljenje.

Manjinsko mišljenje se zasniva na prihvatanju globalnog programa udruženja

Manjinska mišljenja se ne mogu formirati na etničko-nacionalnoj osnovi.

Manjinska mišljenja se mogu iskazivati javno.

Član 22

U aktivnostima udruženja mogu učestvovati i simpatizeri, ali bez prava odlučivanja.

Udruženje "Alternative" Kakanj najmanje jednom organizuje skup članova i simpatizera, u toku jedne godine, a u cilju informiranosti i unapređenja programske strategije i akcije.

Odluke se donose većinom glasova prisutnih članova.

Glasanje u organima i tijelima, o svim pitanjima izuzev kada se vrši izbor u organe i tijela je javno.

Izbor u organe i tijela se vrši tajnim glasanjem između više kandidata.

X ORGANIZACIONA STRUKTURA

Član 23

Tijela udruženja su:

- Skupština
- Upravni odbor
- Predsjednik Upravnog odbora
- Izvršni direktor

Član 24

SKUPŠTINA

Skupština je najviši organ odlučivanja. Skupština odobrava članove i strukturu Upravnog Odbora. Skupština odobrava prijedlog članova novog Odbora, na osnovu procedure angažovanja koje izvršavaju stari članovi Odbora. Procedura angažovanja je opisana u Pravilniku o angažmanu za Upravni odbor, koju je razvio i izglasao Upravni odbor.

Skupština broji petnaest članova.

Član 25

Skupština:

- Usvaja Program i Statut i njihove izmjene i dopune
- Bira i razrješava dužnosti članove Upravnog Odbora i Predsjednika Skupštine
- Odlučuje o prestanku rada i drugim bitnim pitanjima.
- Odlučuje o promjeni ciljeva i djelatnosti
- Odlučuje o prestanku rada i raspodjeli imovine udruženja
- Usvaja plan rada i financijski plan za sljedeću kalendarsku godinu i izvješće o radu za prethodnu kalendarsku godinu
- Odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruge
- Odlučuje o drugim pitanjima za koje statutom nije utvrđena nadležnost drugih tijela udruženja

Član 26

Skupština se sastaje redovno svake godine. U međuvremenu Odbor snosi sve odgovornosti Skupštine i provodi odluke Skupštine. U slučaju potrebe Skupština može biti sazvana i prije na pismeni zahtjev najmanje tri člana Odbora ili 30% članova Skupštine koji su upisani u popisu članova prije isteka mandata. Na Predsjedniku Odbora je odgovornost da najavi i organizuje sastanak Skupštine u roku od dva mjeseca od takvog pismenog zahtjeva.

Član 27

UPRAVNI ODBOR

Upravni odbor (u daljem tekstu Odbor) izvršava dužnosti Skupštine između dva sastanka Skupštine - priprema planove i strategije, razvija pravilnike rada i procedure, glasa o promjenama članova Odbora, bira Izvršnog direktora i redovno nadgleda njegov rad, odobrava godišnje aktivnosti i financijski izvještaj, podržava Izvršnog direktora u njegovom nastojanju da poveća fondove, razvija programske ciljeve i promovira ugled organizacije.

Mandat Odbora je 4 (četiri) godine. Bira ga i razrješuje Skupština. Ni jedan član odbora se ne može uzastopno birati više od dva mandata.

Između regularnih sastanaka Skupštine, Odbor može promijeniti do tri svoja člana, što obavezno potvrđuje Skupština na sljedećem zasjedanju.

Sastanci Odbora mogu se održavati i u video formatu (online sastanci) ukoliko su članovi Odbora opravdano spriječeni da prisustvuju.

Član 28.

Odbor je upravno čija je uloga poboljšati djelotvornost organizacije i kvalitet upravljanja.

Odbor ima punu odgovornost za svoj rad: za kreiranje strukture, politike i procedure koje podržavaju dobro upravljanje.

Član 29

Odbor se redovno sastaje najmanje jednom godišnje

Odluku o sazivanju odbora donosi Predsjednik ili Izvršni direktor udruženja. Odlukom se određuje prijedlog dnevnog reda.

Član 30

Odbor se saziva najmanje jednu sedmicu prije njegovog održavanja.

Plan rada i prijedlozi dokumenata dostavljaju se članovima uz poziv, u pisanoj formi

Član 31.

Odbor može punovažno odlučivati ako je prisutno više od polovine članova.

Odluke se donose većinom glasova prisutnih članova.

Članovi Odbora imaju jednak status u Odboru, jer svi članovi Odbora slijede jednu istu ideju – razvitak i unapređenje rada organizacije.

Član 32

ODGOVORNOST ODBORA:

- Saziva Skupštinu
- Predlaže Skupštini program rada, izmjene i dopune Statuta na razmatranje i prihvatanje
- Usvaja izvještaj o radu Izvršnog direktora;
- Slijedi i određuje misiju i svrhu organizacije;
- Vršiti izbor Izvršnog direktora organizacije, podržava ga i pomaže u njegovom usavršavanju
- Obezbjedi efektivno organizaciono planiranje;
- Obezbjedi adekvatne resurse;
- Upravlja resursima na adekvatan način;
- Određuje i monitoriše programe i usluge organizacije;
- Podstiče javnost rada organizacije;
- Obezbjedi legalnost rada i etički integritet;
- Po utvrđenim procedurama Predlaže nove članove Odbora i učestvuje u unapređenju rada Odbora
- Odobrava godišnje planove i budžet;
- Rad Odbora je regulisan Poslovnikom o radu Odbora;
- Izvršni direktor prisustvuje sjednicama Odbora, ali bez prava odlučivanja;
- Donosi odluke o prijedlozima upućenim Odboru;
- Predlaže predsjednika i daje Skupštini na potvrđivanje,.
- Odlučuje o uspostavljanju kontakata ili udruživanja u implementaciji određenih projekata sa drugim organizacijama;
- Donosi odluke o međunarodnom udruživanju sa drugim sličnim organizacijama;
- Razmatra i utvrđuje finansijsku politiku, te usvaja finansijske planove i izvještaje;
- Formira i imenuje Savjete, Odjele i Komisije u skladu sa potrebama organizacije, a njihov način rada regulira posebnim aktom;
- Brine o informisanju unutar organizacije i donosi odluke o pokretanju glasila ili drugih oblika javnog informisanja;
- Odlučuje i o drugim pitanjima iz života i rada organizacije koja Statutom ili drugim aktom nisu regulisana;
- Za svoj rad odgovoran je Skupštini,

Član 33

FUNKCIJA ODBORA

- Praćenje funkcionisanja programa
- Planiranje procesa
- Finansijski menadžment
- Obezbjedi sredstava (donacija)
- Marketing, informisanje i odnosi sa javnošću
- Razrješenje pitanja upravljanja Odborom

Član 34

ULOGA ODBORA

- Da vodi organizaciju u ispunjenju misije i svrhe služenja javnosti;
- Da učini organizaciju istinskom javnom organizacijom, vođenu od strane zajednice koju organizacija predstavlja;
- Da ozbiljnije uključi volontere u zajednici u kojoj djeluje neprofitna organizacija;
- Da prati zakonsko okruženje u kojem djeluje neprofitna organizacija.

Član 35

AKTIVNOSTI ODBORA SU:

- Ustanovljava ili prati misiju i svrhu služenja zajednici za njeno dobro;
- Postavlja viziju, ciljeve i kratkoročne i dugoročne planove;
- Kreira strukturu, politiku i procedure koje podržavaju dobro upravljanje;
- Identifikuje i obezbjeđuje finansijske izvore za organizaciju;
- Održava odnose sa onima koji mogu dati podršku organizaciji;
- Održavaju pozitivan imidž u zajednici;
- Evaluira programe i prati generalno stanje organizacije;

Član 36

Odbor se sastoji od pet članova:

- Predsjednik Odbora
- Članovi

Član 37

PREDSJEDNIK ODBORA:

Predsjednik Odbora rukovodi radom Odbora i stara se o izvršenju odluka Odbora.

Predsjednika Odbora bira skupština, javnim glasanjem na Skupštini na mandat od 4 (četiri) godine.

Mandat Predsjednika traje četiri godine. Član odbora organizacije može biti biran na funkciju Predsjednika najviše dva puta uzastopno.

Predsjednikom Odbora postaje kandidat koji dobije natpolovičnu većinu Skupštine.

Predsjednik za svoj rad odgovara Odboru;

Predsjednik je obavezan da jednom godišnje podnosi izvještaj o svojim aktivnostima.

Predsjednik Odbora može prije isteka svog mandata podnijeti ostavku uz obrazloženje.

U slučaju ostavke Predsjednika ili ukoliko Predsjednik iz drugih razloga bude spriječen obavljati svoju dužnost, Odborom rukovodi u daljem radu Potpredsjednik Odbora kao vršioc dužnosti.

Predsjednik Odbora koji je ujedno i Predsjednik udruženja

Odgovara za zakonitost rada udruženja

Odgovoran je za podnošenje godišnjih izvještaja skupštini

Dostavlja zapisnik s redovne sjednice Skupštine nadležnom uredu koji vodi registar udruženja

Obavlja i druge poslove u skladu sa zakonom, statutom i aktima udruženja.

Član 38

POTPREDSJEDNIK ODBORA

Upravni odbor ima jednog potpredsjednika. Bira ga novoizabrani odbor na svojoj prvoj sjednici period od četiri godine

Potpredsjednik zamjenjuje Predsjednika u njegovom odsustvu ili po njegovom ovlaštenju.

Član 39.

IZVRŠNI DIREKTOR

Izvršnog direktora bira Upravni Odbor.

Izvršni direktori nije član Upravnog Odbora, ali prisustvuje svim sjednicama Odbora bez prava odlučivanja;

Član 40.

Funkcije i obaveze Izvršnog direktora su:

- Da predstavlja organizaciju u javnosti i pravnom prometu;
- Da daje uputstva i vodi organizaciju prema ostvarenjima njene misije, strategije, ciljeva i zadataka za tekuću godinu te uopće njene vizije;
- Da provodi ostale odluke koje joj povjeri Upravni Odbor;
- Da implementira strateške ciljeve i zadatke organizacije zajedno sa Predsjednikom Upravnog Odbora;
- Da omogućiti Upravnom Odboru da ispunjava svoju rukovodeću funkciju;

Član 41

Odgovornosti Izvršnog direktora su:

- Osigurava da organizacija ima dugoročnu strategiju koja će dovesti do ispunjavanja misije;
- Osigurati napredak organizacije, prema ujednačenom vremenskom ispunjavanju misije;
- Kreira, formalno uređuje i vrši procjenu sveobuhvatnih programa koji će omogućiti ostvarenje proklamovanih ciljeva i zadataka;
- Pravi prijedlog godišnjeg budžeta i podnosi ga na razmatranje i odobrenje Odboru i upravlja programima unutar dogovorenih smjernica;
- Pravovremeno informiše Odbor o svim okolnostima koje se tiču organizacije omogućavajući mu na taj način njegovu upravljačku ulogu;
- Služi organizaciji kao njen prvi glasnogovornik i na taj način osigurava da su organizacija i njena misija na odgovarajući način predstavljene u javnosti;
- Efektivno upravlja i usmjerava ljudske resurse organizacije;
- Predlaže sve procedure koje se tiču osoblja, odobrava i imenuje angažovano osoblje;
- Odobrava troškove;
- Aktivno učestvuje u procesima strateškog planiranja;
- Pomaže Predsjedniku Odbora da planira dnevni red i priprema materijale za sjednice odbora;
- Zajedno sa Odborom i osobljem radi na namicanju sredstava iz vanjskog okruženja;
- Služi kao glavna veza između organizacija iz drugih sredina i svoje organizacije;
- Vršiti nadgledanje svih tekućih programa, usluga i aktivnosti da bi se osigurala realizacija programskih ciljeva;

RADNA TIJELA I KOMISIJE

Član 42

Za rad u različitim područjima djelovanja Skupština i Upravni odbor mogu osnovati stalna ili privremena radna tijela i komisije. Odlukom o osnivanju radnih tijela i komisija utvrđuje se njihov sastav i mandat

Način donošenja odluka organa i tijela udruženja:

Član 43

Organizacije i organi punovažno odlučuju ako je prisutna natpolovična većina od ukupnog broja članova, a Skupština ako je prisutno dvije trećine ukupnog broja članova. Organizacije i organi donose odluke većinom glasova prisutnih članova, a Skupština natpolovičnom većinom ukupnog broja članova.

Član 44

Kandidat za određeno mjesto je izabran ako je za njega glasalo preko 50% od ukupnog broja sa pravom glasa.

VII POSLOVANJE I IZDAVAČKA DJELATNOST

Član 45

Imovinu udruženja čine:

- Novčana sredstva
- Nepokretne i pokretne stvari
- Imovinska prava udruženja

Član 46

Udruženje stječe imovinu:

- Od članarina;
- Od doprinosa članstva i simpatizera
- Od Dobrovoljnih priloga, donacija, sponzorstva i drugih doprinosa, u skladu sa primjenjivim zakonodavstvom;
- Kroz finansiranje programa i projekata iz javnih budžeta na svim nivoima vlasti
- Kroz finansiranje projekata iz međunarodnih fondova
- Kroz vlastite prihodovne aktivnosti
- Iz drugih izvora u skladu sa zakonom

Udruženje je dužno voditi poslovne knjige i sastavljati financijske izvještaje prema propisima kojima se uređuje način finansijskog poslovanja i vođenja računovodstva neprofitnih organizacija,. Izvještaj o materijalno-finansijskom poslovanju Predsjednik udruženja podnosi Skupštini na razmatranje i prihvatanje.

Član 47

Udruženje "Alternative" Kakanj organizira informativnu i izdavačku djelatnost u skladu sa Statutom i Programom.

VIII PRELAZNE I ZAVRŠNE ODREDBE

Član 48

Prestanak postojanja Udruženja

Udruženje može prestati postojati odlukom Skupštine usvojenom od strane 2/3 članova Skupštine ili u drugim slučajevima predviđenim Zakonom o udruženjima i fondacijama FBiH. U slučaju prestanka postojanja udruženja, imovina se, nakon namirenja vjerovnika i troškova likvidacijskog, sudskog i drugih postupaka, predje udruženju, ustanovi ili fondaciji koje imaju iste ili slične statutarne ciljeve, a na osnovi odluke Skupštine,

Član 49

Statut stupa na snagu danom donošenja.

Član 50

Tumačenje odredaba ovog Statuta daje Skupština udruženja. Tumačenje drugih akata Udruženja daje Predsjednik Udruženja.

Kakanj, 19.6.2018..

Predsjednik Skupštine

Dalibor Lovrić